



Tiada laporan kenaikan harga barang

Pembelian panik boleh mempengaruhi kenaikan harga barang

KANGAR

Kerajaan negeri Perlis menasihatkan orang ramai supaya tidak sekali membuat pembelian panik khususnya melibatkan makanan asas kerana ia boleh membuka ruang kepada peniaga menaikkan harga barangan itu di negeri ini.

Exco Perumahan dan Kerajaan Tempatan; Penjaja dan Peniaga Kecil; Perdagangan Dalam Negeri, Koperasi dan Kepenggunaan; dan Pembangunan Usahawan dan Industri Kecil dan Sederhana, Azizan Sulaiman bagaimanapun berkata, buat masa ini, pihaknya belum menerima sebarang laporan berhubung kenaikan harga tersebut.

Azizan berkata, mengambil contoh perkembangan penyakit koronavirus ketika ini, pembelian panik mungkin boleh ber-

laku sekiranya orang ramai mengamalkan sikap terlalu berhati-hati dengan tidak keluar rumah sehingga melakukan pembelian dalam kuantiti banyak, sekali gus mempengaruhi segelintir peniaga mengambil kesempatan bagi mengaut keuntungan.

"Bila bekalan barangan habis di pasaran, penjual atau peniaga akan naikan harga sewenang-wenangnya," katanya ketika dihubungi semalam.

Bagaimanapun, katanya, pembelian panik melibatkan barangan makanan tidak berlaku di negeri ini dan harga barangan juga masih lagi terkawal.



AZIZAN

"Kita minta kerjasama masyarakat untuk membuat laporan sekiranya harga barang makanan dilihat berlaku kenaikan," katanya.

Menurutnya, hanya pembelian panik ke atas topeng muka berlaku ketika ini sehingga menyebabkan item tersebut kehabisan stok di beberapa kawasan di Kangar.

Bagaimanapun, katanya, pihak berwajib telahpun meng-



Penjual ikan di Pasar Besar Kuantan mengakui setakat ini harga ikan masih berada dalam keadaan terkawal ketika tinjauan *Sinar Harian* semalam.

ambil langkah bagi memastikan bekalan topeng muka mencukupi.

Sementara itu, di **ALOR SETAR, KEDAH**, Kementerian Perdagangan Dalam Negeri dan Hal Ehwal Pengguna (KPDNHEP) negeri tidak menerima sebarang aduan kenaikan barangan asas disebabkan penularan wabak koronavirus.

Ketua Pegawai Penguat Kuasa KPDNHEP Kedah, Omar Ismail berkata, pihaknya tidak menerima aduan harga telur, ikan dan ayam naik seta-

kat ini di seluruh negeri.

"Kita tidak menerima sebarang aduan berlaku kenaikan harga barang buat masa ini, namun peniaga diminta supaya tidak menaikkan harga barangan sesuka hati," katanya di Alor Setar semalam.

Sementara di **GEORGETOWN, PULAU PINANG**, Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang turut mengesahkan tiada kenaikan harga barangan asas dilaporkan di negeri ini beriku-

tan wabak koronavirus.

Pengarahnya, Mohd Ridzuan Ab Ghapar berkata, setakat ini pihaknya tidak menerima sebarang aduan mengenai perkara berkenaan.

Katanya, anggota penguat kuasa KPDNHEP akan turun ke lapangan membuat tinjauan sekiranya berlaku kenaikan harga barang asas di negeri ini.

"Setakat ini kami memberi tumpuan kepada penjualan penutup muka yang harganya dikawal oleh kerajaan," katanya ketika dihubungi.